

Ní haon ualach an
fhoghlaim

Scoil Naomh Gobnait

Dún Chaoin
Trá Lí
Co. Chiarraí
V92 NY00
Fón: 066 9156411
Uimhir Rolla: 16281A

Polasaí Iontrála

Scoil Náisiúnta Naomh Gobnait, Dún Chaoin

1. Réamhrá

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh Bord Bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an 15ú Eanáir 2021. Cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Scoil Náisiúnta Naomh Gobnait leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhliantúil na scoile don scoilbhliain lena mbaineann.

Cuirfear cóip den fhoirm iarratais chrua ar fáil d'aon duine a iarrann sin.

2. Spiorad sainiúil agus cuspóirí ginearálta na scoile

Aidhmeanna agus Dúnghaois

Bunscoil náisiúnta lán-Ghaelach, Gaeltachta chomhoideachais le héiteas Caitliceach faoi phátrúnacht Easpag Chiarraí í Scoil Náisiúnta Naomh Gobnait

Aithnítear Scoil Náisiúnta Naomh Gobnait mar bhunscoil Ghaeltachta a dhein agus a dheineann freastal ar phobal Gaeltachta agus gurb í an Ghaoluinn teanga na scoile.

Cothaíotar luachanna Críostúla le meas ar an nduine féin, ar ár gcultúr, ar ár n-oidhreacht, ar ár dtraidisiúin, ar ár dteanga agus ar an dtimpeallacht.

Cuireann an scoil fáilte roimh dhaltáí gan bacadh lena gcúlra creidimh, cé go bhfuil luachanna agus teagasc na scoile Caitliceach.

Solátharaíonn Scoil Náisiúnta Naomh Gobnait timpeallacht fhoghlama omósach, dúshlánach, chomhbhách agus thacúil a chothaíonn cómheas, féin mhuinín, freagracht phearsanta, tionscnamh, éacht, freagracht agus comhpháirtíocht pobail chomh maith le feasacht chruithaitheach agus spioradálta dos na scoláirí agus don fhoireann araon.

Tá an scoil tiomanta d'fhás an linbh ina iomlán maidir le forbairt fhisiciúil, acadúil, phearsanta, spioradálta, mhóralta shóisialta chun a c(h)umas a bhaint amach mar dhuine ann féin.

Tá an scoil tiomanta do bheith ag obair i bpáirtíocht le tuismitheoirí, daltaí agus pobal an cheantair.

De réir S.15 (2) (b) den Acht Oideachais 1998, seasfaidh Bord Bainistíochta na scoile le, agus beidh sé freagrach don phátrún as, spiorad saineúil na scoile de réir na luachanna cultúrtha, oideachasúla, móralta, reiligiúnda, sóisialta, teangúla agus spioradálta a threoraíonn chuspóirí agus reachtáil na scoile.

Is é ár nDúnghaois i Scoil Náisiúnta Naomh Gobnait ná sár-oideachas lán-Ghaelach Caitliceach a chur ar fáil do dhaltáí na scoile mar bhunscoil chomhoideachais.

Cuirimid ár nDúnghaois i bhfeidhm trí:

- (a) Chothrom na Féinne a thabhairt do Phobal na Scoile ar bhealach cairdiúil, cothrom, réasúnta
- (b) bhéim a chur ar fhorbairt Phobal na Scoile mar shaoránaigh d'Éirinn agus den domhan
- (c) mheas orainn féin agus ar dhaoine eile agus ar ár gcultúr Gaelach agus ar chultúir eile a chothú.
- (d) bhéim a chur ar shábháltacht agus ar shástacht dhaltáí
- (e) na daltaí a ullmhú don oideachas iarbhunscoile agus don saol amach rompu

Acht Oideachais (Socrú i leith Leanaí a bhfuil Riachtanais Speisialta Oideachais Acu) 2022

Próiseas nua alt 37A

Comhoibreoidh Scoil Naomh Gobnait leis an gComhairle Náisiúnta um Oideachas Speisialta I gcomhlíonadh feidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais Acu 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

Comhlíonfaidh Scoil Naomh Gobnait le haon ordúchán a sheirbheálfar ar an bpátrún nó ar an mbord faoi alt 37A agus aon ordúchán a sheirbheálfar ar an mbord faoi alt 67(4B) den Acht Oideachais.

3. Ráiteas maidir le hIontráil

Ní dhéanfaidh Scoil Náisúnta Naomh Gobnait idirdhealú maidir le dalta a ligean isteach i scoil ar bhonn aon cheann díobh seo a leanas:

- (i) inscne an dalta nó an iarratasóra i leith an dalta lena mbaineann,
- (ii) stádas sibhialta an dalta nó an iarratasóra i leith an dalta lena mbaineann,
- (iii) stádas teaghlaigh an dalta nó an iarratasóra i leith an dalta lena mbaineann,
- (iv) gnéaschlaonadh an dalta nó an iarratasóra i leith an dalta lena mbaineann,
- (v) reiligiún an dalta nó an iarratasóra i leith an dalta lena mbaineann,
- (vi) bunús mhíchumas an dalta nó an iarratasóra i leith an dalta lena mbaineann,
- (vii) cine an dalta nó an iarratasóra i leith an dalta lena mbaineann,
- (viii) dalta nó iarratasóir ó phobal an lucht siúil i leith an dalta lena mbaineann, nó
- (ix) riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

De réir Alt 61 (3) den Acht Oideachas 1998, forléireofar 'foras stádais sibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir alt 3 den Acht um Stádas Comhionann 2000.

Is scoil í Scoil Náisúnta Naomh Gobnait arb é an cuspóir atá aici oideachas a sholáthar i dtimpeallacht a chuireann luachanna reiligiúnacha áirithe chun cinn, agus ní dhéanann sí idirdhealú i gcas ina dtugann sí cead isteach do dhalta a chuir isteach ar áit sa scoil i gcomhréir le halt 7A den Acht um Stádas Comhionann 2000.

4. Daltaí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas –

- a. i gcás ina bhfuil ró-éileamh ar an scoil (féach [alt 5](#) thíos le haghaidh tuilleadh sonraí)
- b. i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhuí i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin

5 Ró-iarratas

Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

Tá sé de cheart ag an mBord Bainistíochta uasmhéid líon na bpáistí in aon rang ar leith agus sa scoil ina hiomláine a leagadh síos.

I gcás Scoil Náisiúnta Naomh Gobnait is scoil dhá sheomra ranga í, bíonn líon na huimhreacha scoile ag athrú ó bhliain go bliain mar sin tá sé do dhéanta uasmhéid daingean a leagadh síos a bheadh i bhfeidhm gach aon bhliain.

Déanfar scrúdú ar uimhreacha na scoile gach aon bhliain agus pléifear leis an mBord Bainistíochta má tá dúshlán ag an scoil glacadh le gach iarratas.

Is ar bhonn spáis agus sábháilteachta sa scoil a tógfar an cinneadh uasmhéid líon na bpáistí a leagadh síos.

I gcás ró-éilimh, is mar seo a dháilfear na háiteanna:

Naíonáin Shóisireacha

Glacfar le hiarratais do pháistí a bheidh 4 bliana d'aois, ar a laghad, roimh an 1 Meán Fómhair don bhliain iarratais.

Maidir le hiarratais a fuairthas do na blianta 2021, 2022, 2023, 2024, 2025 roimh an 1/2/20, déilealfar leis na hiarratais sin faoi fhorálacha an Pholasáí Cláraithe a bhí i bhfeidhm ag an am sin.

Is mar seo a chuirfear na hiarrathóirí sa dá chatagóir sin in ord. Cuifear na hiarrthóirí I ngach fo-chatagóir thíos in ord de réir chrannchuir phoiblí.

- (a) **Páistí** a bheidh ceithre bliana d'aois ar a laghad, roimh an 1 Meitheamh den scoilbhliain ina bhfuil áit á lorg sa scoil dóibh **go bhfuil leibhéal líofachta acu atá ar leibhéal a mbeifeá ag súil leis dá mbeadh an teanga á labhairt mar ghnáthmhodh cumarsáide i suíomh neamhoideachasúil, ag tógaint san áireamh aois agus aon riachtanais speisialta oideachais atá ag an bpáiste agus go mbeadh an dóchúlacht go n-imeodh an líofacht luaite ar gcúl muna scaoilfí an páiste isteach i scoil Ghaeilge.**
- (b) Deartháir nó deirfiúr le dalta atá ag freastal ar an scoil nó le hiardhalta a d'fhreastal ar an scoil ar feadh dhá bhliain ar a laghad a bheidh ceithre bliana d'aois ar a laghad, roimh an 1 Meitheamh den scoilbhliain ina bhfuil áit á lorg sa scoil dóibh.
- (c) Páiste le tuismitheoir a d'fhreastal ar an scoil ar feadh dhá bhliain ar a laghad a bheidh ceithre bliana d'aois ar a laghad, roimh an 1 Meitheamh den scoilbhliain ina bhfuil áit á lorg sa scoil dóibh.
- (d) Iarrthóirí eile a fuaireamar roimh an dáta deireannach d'iarratais de réir an Fhógra Bhliantúil a bheidh ceithre bliana d'aois ar a laghad, roimh an 1 Meitheamh den scoilbhliain ina bhfuil áit á lorg sa scoil dóibh.

- (e) **Páistí** a bheidh ceithre bliana d’aois ar a laghad, tar éis an 31 Bealtaine ach roimh an 1 Mheán Fómhair den scoilbhliain ina bhfuil áit á lorg sa scoil dóibh **go bhfuil leibhéal líofachta acu atá ar leibhéal a mbeifeá ag súil leis dá mbeadh an teanga á labhairt mar ghnáthmhodh cumarsáide i suíomh neamhoideachasúil, ag tógaint san áireamh aois agus aon riachtanais speisialta oideachais atá ag an bpáiste agus go mbeadh an dóchúlacht go n-imeodh an líofacht luaite ar gcúl muna scaoilfí an páiste isteach i scoil Ghaeilge.**
- (f) Deartháir nó deirfiúr le dalta atá ag freastal ar an scoil nó le hiardhalta a d’fhreastal ar an scoil ar feadh dhá bhliain ar a laghad a bheidh ceithre bliana d’aois ar a laghad, tar éis an 31 Bealtaine ach roimh an 1 Meán Fómhair den scoilbhliain ina bhfuil áit á lorg sa scoil dóibh
- (g) Iarrthóirí eile a fuaireamar roimh an dáta deireannach d’iarratais de réir an Fhógra Bhliantúil a bheidh a bheidh ceithre bliana d’aois ar a laghad, tar éis an 31 Bealtaine ach roimh an 1 Mheán Fómhair den scoilbhliain ina bhfuil áit á lorg sa scoil dóibh.
- (h) Iarratais dhéanacha.

Nóta: Sa chás gur mian le tuismitheoirí go n-áireofaí a bpáiste mar pháiste a bhfuil leibhéal líofachta sroichte aige/ aici sa Ghaeilge tabharfar cuireadh don tuismitheoir fianaise a chur ar fáil chun an líofacht sin a léiriú do ionadaithe an Bhord Bainistíochta. **Is gá an fhianaise sin a chur ar fáil leis an iarratas ach amháin i gcás fianaise a chuirfear ar fáil trí fhreastal ar chruinniú sa scoil má lorgaíonn tuismitheoirí/caomhnóirí an deis freastal ar a leithéid de chruinniú. Cuirfidh an Bord Bainistíochta cruinniú dá leithéid ar fáil ar iarratas agus de réir acmhainní agus socruithe an bhoird chuige.**

Muna nglactar leis an bhfianaise cuirfear an páistí i gcatagóir eile, de réir mar is cuí. Is féidir achomharc i scríbhinn/ríomhphost a dhéanamh chuig an mBord Bainistíochta laistigh de sheachtain amháin ón gcinneadh a fháil. Is ag an mBord Bainistíochta a bheidh an cinneadh deireannach. (An córas achomarc le hoibriú amach. Sílim go n-iarrfar ar bheirt ionadaí eile ón mBord an fhianaise a bhreithniú. Ní cheadófar fianaise nua.)

Má ghlactar leis an bhfianaise, ach go mbeartaíonn an tuismitheoir an páiste a chur siar go dtí Liosta Iarrthóirí na bliana ina dhiaidh sin, ní bheidh gá fianaise a chur ar fáil arís don leibhéal líofachta sa Ghaeilge.

Más mó líon na n-iarratas in aon chatagóir ná líon na spásanna ar fáil don chatagóir sin, cuirfear na hiarrthóirí go léir sa chatagóir sin in ord ar crannchur.

6 An méid nach mbreithneofar ná nach gcuirfear san áireamh

De réir alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le ghaidh iontrála sa scoil.

- (a) freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
- (b) íocaíocht táillí nó ranníocaíochtaí (cibé slí a dtuairiscítear é) leis an scoil;
- (c) cumas, scileanna nó inniúlacht acadúil an dalta seachas de réir fhorálacha alt 62(9) den Acht
- (d) gairm, stádas airgeadais, cumas acadúil, scileanna nó inniúlacht tuismitheoirí dalta;
- (e) ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;
- (f) an dáta agus an t-am ar ghlac an scoil le hiarratas iontrála.

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann.

Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin).

7 Cinntí ar iarratais

Béidh na cinntí go léir maidir le hiarratais ar iontráil chuig Scoil Náisiúnta Naomh Gobnait bunaithe ar na nithe a leanas:

1. Polasaí iontrála na scoile
2. Fógra iontrála bliantúil na scoile (nuair is cuí);
3. An fhaisnéis a chuir an t-iarratasóir ar fáil le agus i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

Ní úsáidfeadh critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

8 Cinntí a chur in iúl d'iarratasóirí

Cuirfeadh iarratasóirí ar an eolas i ríomhphost/ scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhalta inár scoil, cuirfeadh na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéir roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfear iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach [alt 18](#) thíos le haghaidh tuilleadh sonraí).

9 Glacadh le tairiscint áite ag iarratasóir – treoir don tuismitheoir/chaomhnóir

Agus tairiscint iontrála á glacadh agat ó Scoil Náisiúnta Naomh Gobnait ní mór duit an méid a leanas a léiriú:

- cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.
- cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

10 Cúinsí nach féidir tairiscintí a dhéanamh nó ar féidir tairiscint a tharraingt siar dá mbarr.

Ní féidir le Scoil Náisiúnta Naomh Gobnait tairiscint iontrála a dhéanamh, nó is féidir tairiscint a tharraingt siar, sna cásanna a leanas:

- a) déantar amach go bhfuil an fhaisnéis atá san iarratas bréagach nó míthreorach.
- b) teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
- c) má theipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- d) teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in [alt 10](#) thuas.

11 Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

Tá ceadaithe de réir Alt 66 (6) do scoil liosta de na daltaí a sholáthar do phátrún nó do bhord bainistíochta eile:

- (i) go bhfuarthas iarratas ar ligean isteach sa scoil,
- (ii) go ndearnadh tairiscint ar áit sa scoil, nó
- (iii) gur glacadh le tairiscint ar áit scoile.

Féadfaidh aon cheann nó gach ceann díobh seo a leanas a bheith ar an liosta:

- (i) an dáta a fuair an scoil iarratas ar áit scoile;

(ii) an dáta a rinne an scoil tairiscint ar áit scoile;

(iii) an dáta ar ghlac iarratasóir le tairiscint ar áit scoile;

(iv) sonraí pearsanta dalta(í) lena n-áirítear ainm, seoladh, dáta breithe agus uimhir seirbhíse poiblí pearsanta (de réir bhrí alt 262 den Acht Comhdhlúthaithe Leasa Shóisialaigh 2005).

12 Liosta Iarrthóirí i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta iarrthóirí de dhaltáí nár éirigh lena n-iarratas ar iontráil chuig Scoil Náisiúnta Naomh Gobnait mar gheall ar ró-éileamh ar an scoil agus beidh sé bailí don scoilbhliain ina bhfuil cead isteach á lorg.

Tá socrúchán ar Liosta Iarrthóirí Scoil Náisiúnta Naomh Gobnait san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo. Cuirfear aon iarratas a fhaightear tar éis an dáta deireannach d'iarratais ag bun an Liosta Iarrthóirí de réir an dáta a fhaightear an t-iarratas.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

13 Iarratais Dhéanacha

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san fhógra iontrála bliantúil de réir pholasaí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

Cuirfear iarrthóirí déanacha ar an eolas faoin gcinneadh maidir lena n-iarratas laistigh de thrí seachtaine ó dháta an iarratais. Tairsceofar áiteanna d'iarrthóirí déanacha má tá spásanna ar fáil. Muna bhfuil spásanna ar fáil cuirfear na hainmneacha ar an Liosta Iarrthóirí mar atá leagtha amach i Mír 13.

14 Nósanna imeachta maidir le daltaí a ligean isteach i mblianta eile agus le linn na scoilbhliana

Seo a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

Clárúcháin sna Naíonáin Shinsearacha

Má bhíonn folúnta(i)s sna Naíonáin Shinsearacha agus níos mó iarratas ar áiteanna ná mar atá folúntas déanfar na háiteanna sin a dháileadh de réir na gcritéar do na Naíonáin Shóisireacha.

Clárúchán i Ranganna seachas na Naíonáin Shóisearacha agus Shinsireacha

- Glacfar le páistí i ranganna Rang 1 – Rang 6 má tá spás sa rang, agus má shíleann an Príomhoide/Bord Bainistíochta cumas Gaeilge an pháiste a bheith ar leibhéal a ligfeadh don pháiste feidhmiú agus foghlaim sa rang agus nach mbeadh ar dhaltaí eile iompú ar theanga eile chun cumarsáid a dhéanamh. **Is faoin tuismitheoir a bheidh sé fianaise chuige seo a chur os comhair an Bhord Bainistíochta leis an iarratas.**
- Is gá do thuismitheoirí/caomhnóirí ar mian leo iarratas a dhéanamh ar áit in aon rang seachas Naíonáin Shóisearacha litir iarratais chuige sin a scríobh chuig Cathaoirleach an Bhoird Bainistíochta. Is é an Bord Bainistíochta a dhéanfaidh an cinneadh faoi pháistí a ghlacadh in aon rang eile.
- Má fhaighimid iarratais d'áit i rith na bliana déileálfar leis ag an gcéad chruinniú eile den Bhord Bainistíochta. Má tá folúntas/ folúntais i rang agus níos mó iarratas ná mar atá folúntais cuirfear in ord iad de réir na gcritéar céanna atá leagtha amach thuas do na Naíonáin Shóisireacha. Caithfear fianaise ar leibhéal sásúil líofacht sa Ghaeilge a chur ar fáil sula dtairsceofar áit. Muna nglacann an Bord Bainistíochta leis an bhfianaise, tairsceofar an áit don chéad iarrthóir eile.
- Is ag cruinniú na Bealtaine den Bhord Bainistíochta a dhéileálfar le hiarratais atá faighte roimhe sin don chéad scoilbhliain eile. Déileálfar le hiarratais a thagann ina dhiaidh sin ag aon chruinniú eile roimh shaoire an tSamhraidh. Tabharfaidh an Bord Bainistíochta údarás don Phríomhoide nó do dhaoine eile déileáil le hiarratais de réir pholasaí na scoile thar a cheann idir chruinniú deireanach na scoilbhliana agus chéad chruinniú na scoilbhliana nua.

15 Dearbhú maidir le gan táillí a ghearradh

Ní ghearrfaidh bord Scoil Náisiúnta Naomh Gobnait ná aon duine a ghníomhaíonn thar a ceann táillí ar íocaíocht nó ní lorgeoidh sé nó sí íocaíocht ná ranníocaíocht (cibé slí a dtuairiscítear) mar choinníoll de -

- (I) iarratas ar dhalta a ligean isteach sa scoil, nó
- (II) iontráil nó clárú leanúnach dalta sa scoil.

16 Socruithe maidir le daltaí nach bhfreastalaíonn ar theagasc reiligiúnach

Seo a leanas socruithe na scoile do dhaltaí, sa chás gur iarr na tuismitheoirí, a d'iarr go bhfreastalódh an dalta ar an scoil gan freastal ar theagasc reiligiúnach sa scoil. Ní bheidh laghdú ar lá scoile na ndaltaí sin mar thoradh ar na socruithe seo.

Beidh cead ag daltaí nach bhfuil ag freastal ar oideachas reiligiúnach fanacht sa rang nó dul chuig rang eile má iarrann an tuismitheoir/caomhnóir é sin. Déanfaidh an páiste obair atá leagtha amach ag an múinteoir, nó obair atá curtha ar fáil ag an tuismitheoir/caomhnóir.

17 An ceart chun athbheithnithe/achomhairc

Athbheithniú ar chinntí an Bhord Bainistíochta

Féadfaidh tuismitheoir mac léinn iarraidh ar an mbord athbheithniú a dhéanamh ar an gcinneadh áit sa scoil a dhiúltú. Ní mór iarratais den gcineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbheithniú den gcineál sin a iarraidh agus na ceanglais eile a bhaineann maidir le hathbheithnithe den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord athbheithnithe den gcineál sin de réir na nósanna imeachta a rialáítear faoi Alt 29B i gcomhair le Alt 29C den Acht Oideachais 1998.

Tabhair faoi deara: Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mbord bainistíochta **athbheithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbheithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Ceart achomhairc

Faoi Alt 29 den Acht Oideachais 1998, féadfaidh tuismitheoir mac léinn achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbheithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbheithniú ar chinntí an Bhord Bainistíochta)

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbheithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998. (féach Athbheithniú ar chinntí an Bhord Bainistíochta)

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an Aire Oideachais agus Scileanna.

Tá an t-amlíne ina gcaithfear achomharc den gcineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Dhaingnigh an Bord Bainistíochta Scoil Náisiúnta Naomh Gobnait ar an Dáta.

Síniú: _____ Cathaoirleach, Bord Bainistíochta

Tá ábhar an bheartais seo faofa ag Oifig Oideachais Naomh Senan, ag gníomhú thar ceann an Phátrúin.

